

6. gr.

Breytingar á svæðisskipulagi miðhálandis.

Um málsmeðferð við endurskoðun eða breytingar á svæðisskipulagi miðhálandis Íslands 2015 fer skv. 13. gr. a. og 14. gr. a. skipulags- og byggingarlaga nr. 73/1997.

7. gr.

Gildistaka.

Reglur þessar, sem settar eru skv. 5. mgr. 12. gr. a. skipulags- og byggingarlaga nr. 73/1997, sbr. lög nr. 58/1999, öðlast þegar gildi.

Umhverfissráðuneytinu, 15. nóvember 2000.

F. h. r.

Magnús Jóhannesson.

Sigríður Auður Arnardóttir.

Nr. 848

REIKNINGUR

Innheimtustofnunar sveitarfélaga fyrir árið 1999.

Rekstrarreikningur.

Rekstrartekjur:

	Kr.
Innheimtuþóknun vegna erlendrar innheimtu	2.861.437
Innheimtuþóknun önnur	4.026.433
Endurkrafinn fjárnámskostnaður	7.481.736
Innheimtir dráttarvextir og aðrar vaxtatekjur	167.288.168
	<u>181.657.774</u>

Rekstrargjöld:

Laun og launatengd gjöld	47.701.405
Húsnæðiskostnaður	3.337.200
Kostnaður við fjárnám	9.337.070
Annar rekstrarkostnaður	19.937.615
Vextir og verðbætur	548.459
	<u>80.861.749</u>

Tekjur umfram gjöld	<u>100.796.025</u>
---------------------------	--------------------

Efnahagsreikningur 31. desember 1999.

Peningalegar eignir:

	Kr.
Veltufjármunir:	
Handbært fé	139.632.507
Óinnheimtar kröfur	3.672.770
Meðlagskröfur til innheimtu	6.522.604.229
Fyrirframgreiddur kostnaður	10.000
	<u>6.665.919.506</u>

Peningalegar eignir samtals

6.665.919.506

Skuldir:

Skammtímaskuldir:

Skuldabréf	0
Ógreiddur kostnaður	585.266
Tryggingastofnun ríkisins	150.300.000
Erlendar innheimtur	565.131
Félagsmálaráðuneytið	7.380.899
Skuldir samtals	<u>158.831.296</u>
Peningaleg staða	<u>6.507.088.210</u>

Aðrir liðir:

Framlag jöfnunarsjóðs	5.136.868.425
Annað eigið fé	<u>1.370.219.785</u>
Aðrir liðir samtals	<u>6.507.088.210</u>

Reykjavík, 20. mars 2000.

Í stjórn Innheimtustofnunar sveitarfélaga.
Sigurgeir Sigurðsson. **Húnbogi Þorsteinsson.**
Snorri Björn Sigurðsson.

Hilmar Björgvinsson.

16. nóvember 2000

Nr. 849

REGLUGERÐ

**um breytingu á reglugerð nr. 785/1999 um starfsleyfi
 fyrir atvinnurekstur sem getur haft í för með sér mengun.**

1. gr.

6. mgr. 15. gr. orðist svo:

15.6 Í starfsleyfi skal tilgreina eftirlit með losun, hvað varðar mæliaðferðir, mælitíðni og matsaðferðir. Tilgreina skal tíðni og umfang eftirlitsmælinga. Að jafnaði skal tíðni eftirlitsmælinga vera eins og fram kemur í 2. mgr. 12. gr. í reglugerð um mengunarvarnaeftirlit. Einnig skulu vera ákvæði um skyldu rekstraraðila til þess að láta eftirlitsaðila í té þau gögn sem nauðsynleg eru til þess að kanna hvort skilyrðum starfsleyfisins sé fullnægt. Heimilt er að taka tillit til kostnaðar og ávinnings við mælingar samkvæmt þessari málsgrein vegna atvinnurekstrar í lið 6.6 í I. viðauka.

2. gr.

10. mgr. 15. gr. orðist svo:

15.10 Óheimilt er að auglýsa tillögu að starfsleyfi vegna framkvæmda sem taldar eru upp í viðauka 2 með lögum um mat á umhverfisáhrifum fyrir en ákvörðun Skipulagsstofnunar um hvort framkvæmdin er matskyld liggur fyrir, sbr. þó 1. mgr. 22. gr.